



Republika e Kosovës

Komuna e Drenasit

Kuvendi i Komunës



02 Nr. - 060/01 - 17558 dt. 13/04/2023

PROCESVERBALI

I mbledhjes se rregullt të Kuvendit Komunal të Drenasit të Mbajtur më datë: **28.03.2023**

Mbledhjen e kryesoi kryesuesi i Kuvendit Komunal-Milaim Hajdari

Kryesuesi deklaroi të hapura punimet e mbledhjes së rregullt të Kuvendit Komunal, ku të pranishëm ishin 31 anëtarë: Labinot Halilaj (PDK), Bekim Lestrani (PDK), Arigon Sinani (PDK), Zeqir Hasi (PDK), Laurita Muhadri Bujupi (PDK), Hamit Kastrati (PDK), Blerina Gashi (PDK), Gani Krasniqi (PDK), Fatmir Baliu (PDK), Qendrim Mulaj (PDK), Malsore Cakiqi (PDK), Agnesë Kastrati (PDK), Albulena Saliuku (PDK), Mirlinda Dvorani (PDK), Valentina Leku (PDK), Sali Dvorani (DD) Mergim Piraku (DD), Mehedin Salihu (DD), Hamit Haxhiu (DD), Jahir Hajdari (DD), Azemine Bujupi-Gjoka (DD), Marigona Bazaj (DD), Florentina Elezi-Veliu (VV), Filloreta Bujupi (VV), Drin Halilaj (VV), Muhamet Kurtaj (VV), Egzona Terdevci (VV), Arbër Halilaj (GREEN), Beqir Kiqina (AAK), Egzon Qorri (LDK).

Kuvendi filloi punimet më këtë : **Rend dite:**

1. Procesverbali i mbledhjes së rregullt i KK i mbajtur me dt. 23.02.2023.
2. Propozim vendim për formimin e komisionit për shqyrtimin e kërkesave dhe ankesave të palëve për emërtim të rrugëve, rrugicave dhe vendeve të tjera publike në Komunën e Drenasit.
3. Propozim vendim për caktimin e anëtareve të komisionit përzgjedhës për drejtor dhe zëvendës drejtor në Institucionet Publike Edukativo-Arsimore të Komunës së Drenasit.
4. Propozim vendim për këmbimin e pjesëve të njësive kadastrale në zonën kadastrale në Çikëtove të Vjetër dhe Glllogoc, për projektin e rregullimit të ngrohtores së qytetit të Drenasit.
5. Propozim vendim për lënie në shqyrtim publik të projekt dokumentit të Planit Rregullues të hollësishëm për qendrën e qytetit-Glllogoc, **në rishqyrtim.**
6. Propozim vendim për vënien në diskutim publik e rregullores për Bonuset e Zonimit, **në rishqyrtim.**
7. Propozim vendim për miratimin e Raportit përfundimtar të Komisionit Komunal për vlerësimin e Dëmeve nga fatkeqësitë Natyrore dhe Fatkeqësitë e tjera.
8. Raport i progresit për implementimin e rekomandimeve të ZKA-së.
9. Propozim Vendim për zëvendësimin me dy anëtar të rij të Komitetit për Komunitete dhe Kthim
10. Propozim Vendim për miratimin e Kërkesës Nr. 01-070/01-14724, dt. 27. 03.2023, për mjekim urgjent të sëmundjes -ana moli në zemër në shumën totale prej 3.000.00,euro.
11. Të ndryshme.

Të martën me dt. 28.03.2023 është mbajtur mbledhja e rregullt e Kuvendit të Komunës së Drenasit, ku për diskutim ishin 10 pika për rend dite.

Mbledhja është kryesuar nga kryesuesi i Kuvendit Komunal, Milaim Hajdari.

Në mbledhje morën pjesë, Kryetari i Komunës, Ramiz Lladrovci, nënkryetari Arben Shala, drejtor të drejtorive komunale, përfaqësues të KFOR-it, zyra e informimit.

Më poshtë ju elaborojmë pikat që janë diskutuar e miratuar me shumicë votash në mbledhjen e rregullt të Kuvendit të Komunës.

Kryesuesi i Kuvendit Komunal, Milaim Hajdari- pasi përshëndeti të gjithë të pranishmit njoftoi me rendin e ditës anëtarët e Kuvendit Komunal.

Meqë nuk pati diskutime, vërejtje apo sugjerime tjera kryesuesi hodhi në votim rendin e ditës: prezent gjatë votimit ishin 30 anëtar, **(Për)** votuan 30 anëtar, kundër nuk pati, abstenim nuk pati, u miratua rendi i ditës.

Kryesuesi i Kuvendit Komunal, Milaim Hajdari- hapi diskutimin për pikën e parë të rendit të ditës: **1. Procesverbali i mbledhjes së rregullt i Kuvendit Komunal Drenas të dt. 23.02.2023.**

Meqë nuk pati diskutime, vërejtje apo sugjerime tjera kryesuesi hodhi në votim këtë pikë të rendit të ditës: prezent gjatë votimit ishin 30 anëtar, **(Për)** votuan 30 anëtar, kundër nuk pati, abstenim nuk pati, u miratua kjo pikë e rendit të ditës.

Kryesuesi i Kuvendit Komunal, Milaim Hajdari- hapi diskutimin për pikën e dytë të rendit të ditës: **2. Propozim vendim për formimin e komisionit për shqyrtimin e kërkesave dhe ankesave të palëve për emërtim të rrugëve, rrugicave dhe vendeve të tjera publike në Komunën e Drenasit.**

Kryesuesi i Kuvendit Komunal, Milaim Hajdari- kryesuesi njoftoj se komisioni duhet të formohet prej 5 anëtar nga Kuvendi Komunal.

Kryesuesi i Kuvendit Komunal, Milaim Hajdari- propozoj për anëtar të komisionit Valentina Leku dhe Laurita Muhadri-Bujupi.

Azemine Gjoka, Nga grupi i asamblistëve i DD propozojmë për anëtar të komisionit Jahir Hajdarin.

Egzona Tërdevci, Nga grupi i asamblistëve i VV propozojmë për anëtar të komisionit Drin Halilaj.

Beqir Kiqina, Nga grupi i asamblistëve i AAK propozojmë për anëtar të komisionit Egzon Qorri.

Pas këtyre propozimeve të komisionit për shqyrtimin e kërkesave dhe ankesave të palëve për emërtim të rrugëve, rrugicave dhe vendeve të tjera publike në Komunën e Drenasit, kryesuesi hodhi në votim këtë pikë të rendit të ditës, prezent gjatë votimit ishin 30 anëtar, **(Për)** votuan 30 anëtar, kundër nuk pati, abstenim nuk pati, u miratua kjo pikë e rendit të ditës.

Komisioni për shqyrtimin e kërkesave dhe ankesave të palëve për emërtim të rrugëve, rrugicave dhe vendeve të tjera publike në Komunën e Drenasit u formua me këtë:

1. Valentina Leku
2. Jahir Hajdari
3. Drin Halilaj
4. Egzon Qorri
5. Laurita Muhadri Bujupi.

Kryesuesi i Kuvendit Komunal, Milaim Hajdari- hapi diskutimin për pikën e tretë të rendit të ditës: **3. Propozim vendim për caktimin e anëtareve të komisionit përzgjedhës për drejtor dhe zëvendës drejtor në Institucionet Publike Edukativo-Arsimore të Komunës së Drenasit.**

Muhamet Gjoka- Drejtori i Arsimit, ky propozim vendim vjen si obligim ligjor bazuar në udhëzimin administrativ 151/2020 dhe është obligim ligjor që të kalohet në kuvend, ku dy anëtar propozohen nga DKA-ja dhe përfaqësues i këshillit të prindërve në nivel komunal.

Egzona Tërdevci, anëtari i tretë i komisionit a emërohet prej MASHT-it apo si?

Muhamet Gjoka- Drejtori i Arsimit, në udhëzim e cek që anëtari i parë i komisionit është i punësuar në DKA, personi i tretë pasi të kalon në kuvend e njoftojmë ministrinë e arsimit dhe ministria na e dërgon përfaqësuesin e MASHT-it.

Meqë nuk pati diskutime, vërejtje apo sugjerime tjera kryesuesi hodhi në votim këtë pikë të rendit të ditës: prezent gjatë votimit ishin 30 anëtar, (Për) votuan 30 anëtar, kundër nuk pati, abstenim nuk pati, u miratua kjo pikë e rendit të ditës.

Kryesuesi i Kuvendit Komunal, Milaim Hajdari- hapi diskutimin për pikën e katërt të rendit të ditës: **4. Propozim vendim për këmbimin e pjesëve të njësive kadastrale në zonën kadastrale në Çikëtove të Vjetër dhe Glllogoc, për projektin e rregullimit të ngrohtores së qytetit të Drenasit.**

Arbër Halilaj, në parim jam që të kaloj kjo sepse është projekt që po diskutohet që sa vite më parë i kam dilemat e mija tek vlerësimi i vlerës së pronave që shkëmbehen ndërmjet komunës dhe feronikelit, nuk kemi ndonjë vlerësim të komisionit vlerësues prej ministrisë së financave dhe nuk kemi informata dhe çfarë prone po japim dhe çfarë po marrim vlerat e tyre, kështu që për vlerat e pronave unë abstenoj në votim, ndërsa si projekt jam për që të shtyhet përpara.

Egzona Tërdevci, vitin e kaluar i kemi ngrit disa shqetësime të banoreve të Çikatovës rreth një kontesti të pronave me feronikelin, nëse keni informacione kjo pronë e feronikelit që doni me këmbë me pronë komunale, a ka lidhje me ato prona?

Kryetari i Komunës Ramiz Lladrovci, vlerësimin e bën Ministria e Financave me komision të veçantë, nuk e bëjmë ne, asnjë pronë që është në emër të komunës nuk ka kontest me asnjë qytetar të komunës tonë, prona e feronikelit është tek "lagjia e feronikelit" ekipa e cila e ka bërë fizibilitetin në kuadër të qeverisë dhe në kuadër të Giz-it gjerman e kanë përcaktuar atë zonë sepse është pozita me e mirë gjeografike, strategjike për me vendos ngrohoren e qytetit dhe për ta bërë liqenin akumulues të ujit të ngrohtë, ajo do të jetë edhe një pjesë ku do të bëhet një lloj parki dhe shëtitore e qytetit tonë, nuk ka asnjë kontest me qytetarët.

Labinot Halilaj, nëse është kaq e domosdoshme u dashtë me qenë një arsytim shumë më i fuqishëm se ky për me e votua këtë propozim vendim për ndryshim të kësaj parcele.

Kryetari i Komunës Ramiz Lladrovci, ne nuk e kemi bërë fizibilitetin e ka bërë nivelin qendror, niveli qendror e ka përcaktuar atë zonë, dhe ne e kemi për obligim me e sjellë në kuvend me shpall interes të përgjithshëm dhe me këmbye me pronat tona, ne i kemi tri prona kufi me feronikeli dhe tri prona ia kemi ofruar në këmbim, vendos ministria për çmimin nuk kemi vendos ne.

Florentina Elezi-Veliu, kërkoj që meqë zyrtari ish prezent, kërkoj një sqarim nga ai për këtë propozim vendim.

Afrim Prokshi-zyrtar, që tri vite jemi në bashkëpunim me komisionin evropian, me Giz-in gjerman dhe Ministrinë e zhvillimit ekonomik, të gjitha komunat që janë të interesuara me aplikuar, ne jemi ndër ato komuna që kemi aplikuar dhe fal dokumenteve dhe që i kemi plotësuar edhe kriteret ne e mesin e 38 komunave i kemi plotësuar kriteret. Kryetari i Komunës ka qenë i obliguar që ta formoj një komision që të ndihmoj rreth të dhënave të cilat kërkohen nga niveli qendror përkatësisht nga komisioni evropian në bashkëpunim me GIZ-in, dhe jemi në fund të fazës finale të hartimit të fizibilitetit dhe ka mbetur t'i caktohet vetëm lokacioni për vendosjen e paneleve solare, dmth është një risi që për herë të parë po formohet një ngrohje qendrore neper qytete, ku si burim i energjisë do të përdoret burimet e ripërtrishme të energjisë. Komisioni i caktuar nga Gizi dhe komisioni Evropian e ka caktuar vet zonën dhe e ka cek se kjo zonë është me e përshtatshme për vendosjen e paneleve dhe e kolektorëve solar pra është përcaktuar tek lagja e Feronikelit, fakti që është aty se kolektorët solar kanë me e ngroh ujin dhe gjithë energjia që përdoret për ngrohje qendrore është nga burimet e ripërtërihem dhe është shumë profitabil. Zona e cila përfshihet në ngrohje qendrore është zona e qytetit mirëpo në të ardhmen pritet që të jenë edhe një pjesë e Korretices së Ulet dhe Zabelit edhe një pjesë e Poklekut të Ri, është interes i përgjithshëm dhe është njëra ndër projektet më të mira të mundshme që mund t'ia sjellim komunës tonë.

Mehedin Salihu, është një sukses i padiskutueshëm, dhe do ta votojmë.

Meqë nuk pati diskutime tjera kryesuesi hodhi në votim këtë pikë të rendit të ditës: prezent gjatë votimit ishin 30 anëtar, **(Për)** votuan 29 anëtar, kundër nuk pati, 1 abstenim, u miratua kjo pikë e rendit të ditës.

Kryesuesi i Kuvendit Komunal, Milaim Hajdari- hapi diskutimin për pikën e pestë të rendit të ditës: **5. Propozim vendim për lënie në shqyrtim publik të projekt dokumentit të Planit Rregullues të hollësishëm për qendrën e qytetit-Glllogoc, në rishqyrtim.**

Flutura Avdiu- Drejtoreshë e Drejtorisë për Planifikim Urban dhe Mbrojtje të Mjedisit, përshëndetje nga ministria e administrimit është kërkuar që projekt dokumenti për lënie në shqyrtim publik të projekt dokumentit të Planit Rregullues të hollësishëm për qendrën e qytetit-Glllogoc, **në rishqyrtim**, ministria ka konstatuar se duhet të shtohen disa nene, në hyrje të vendimit të shtohet neni 4 paragrafi 3, nenparagrafi 3.3 dhe të shtohet neni 8, 10, 12 nga UA nr 15/2014, në vend të nenit 2 të vendimit të konsultimeve publike sipas ligjit të planifikimit hapësinor i cili është pjesëmarrja dhe shqyrtimi publik, po ashtu të shtohen edhe nenet me nenin 8 njoftimi publik kohëzgjatja e shqyrtimeve publike, të shtohet paragrafi 1,2

nenparagrafi 2.1, 2.2, 2.3.4.5.6 kanë kërkuar nene shtesë që të vihen në preambule të vendimit.

Meqë nuk pati diskutime tjera kryesuesi hodhi në votim këtë pikë të rendit të ditës: prezent gjatë votimit ishin 30 anëtar, **(Për)** votuan 26 anëtar, 3 kundër, 1 abstenim, u miratua kjo pikë e rendit të ditës.

Kryesuesi i Kuvendit Komunal, Milaim Hajdari- hapi diskutimin për pikën e gjashtë të rendit të ditës: **6. Propozim vendim për vënien në diskutim publik e rregullores për Bonuset e Zonimit, në rishqyrtim.**

Flutura Avdiu- Drejtoreshë e Drejtorisë për Planifikim Urban dhe Mbrojtje të Mjedisit, është kërkuar plotësim i nenit 39 i UA që të jetë në pajtim kjo projekt rregullore, edhe pse në aspekt procedural nuk i nënshtrohet vlerësimit të ligjshmërisë.

Meqë nuk pati diskutime, vërejtje apo sugjerime tjera kryesuesi hodhi në votim këtë pikë të rendit të ditës: prezent gjatë votimit ishin 30 anëtar, **(Për)** votuan 30 anëtar, kundër nuk pati, abstenim nuk pati, u miratua kjo pikë e rendit të ditës.

Kryesuesi i Kuvendit Komunal Milaim Hajdari- hapi diskutimin për pikën e shtatë të rendit të ditës: **7. Propozim vendim për miratimin e Raportit përfundimtar të Komisionit Komunal për vlerësimin e Dëmeve nga fatkeqësitë Natyrore dhe Fatkeqësitë e tjera.**

Meqë nuk pati diskutime, vërejtje apo sugjerime tjera kryesuesi hodhi në votim këtë pikë të rendit të ditës: prezent gjatë votimit ishin 30 anëtar, **(Për)** votuan 30 anëtar, kundër nuk pati, abstenim nuk pati, u miratua kjo pikë e rendit të ditës.

Kryesuesi i Kuvendit Komunal Milaim Hajdari- hapi diskutimin për pikën e tetë të rendit të ditës: **8. Raport i progresit për implementimin e rekomandimeve të ZKA-së.** Nuk pati diskutime.

Kryesuesi i Kuvendit Komunal Milaim Hajdari- hapi diskutimin për pikën e nëntë të rendit të ditës: **9. Propozim Vendim për zëvendësimin me dy anëtar të rij të Komitetit për Komunitete dhe Kthim.**

Kryesuesi sqaroi se janë te propozuar zëvendësimi i Agnesë Kastrati me Manushaqe Mulaku dhe nga anëtarët e bizneseve është zëvendësuar Sokol Gashani me Bedri Gllareva.

Meqë nuk pati diskutime, vërejtje apo sugjerime tjera kryesuesi hodhi në votim këtë pikë të rendit të ditës: prezent gjatë votimit ishin 31 anëtar, **(Për)** votuan 31 anëtar, kundër nuk pati, abstenim nuk pati, u miratua kjo pikë e rendit të ditës.

Kryesuesi i Kuvendit Komunal Milaim Hajdari- hapi diskutimin për pikën e dhjetë të rendit të ditës: **10. Propozim Vendim për miratimin e Kërkesës Nr. 01-070/01-14724, dt. 27. 03.2023, për mjekim urgjent të sëmundjes -ana moli në zemër në shumën totale prej 3.000.00,euro.** Meqë nuk pati diskutime, vërejtje apo sugjerime tjera kryesuesi hodhi në votim këtë pikë të rendit të ditës: prezent gjatë votimit ishin 31 anëtar, **(Për)** votuan 31 anëtar, kundër nuk pati, abstenim nuk pati, u miratua kjo pikë e rendit të ditës.
Kryesuesi i Kuvendit Komunal Milaim Hajdari- hapi diskutimin për pikën e njëmbëdhjetë të rendit të ditës: **11. Të ndryshme.**

Albulena Saliuku, pyeti Drejtorin e Arsimit në lidhje me rrethojën e SHFMU “Mehmet Gradica” në Gradicë.

I nderuar drejtor e vlerësoj punën dhe angazhimin tuaj si dhe investimi që është bërë brenda në shkollë, por sot dua të marrë një përgjigje nga ju se kur do të përfundojnë edhe rrethojat e shkollës e cila vetëm ka filluar dhe ka mbetur ashtu.

Nga kontaktet e vazhdueshme që kam me bashkëvendësit e mi ndjehen jashtëzakonisht të zhgënjyer se si vetëm shkolla e Gradicës është në këtë gjendje, fatkeqësisht gjendje aspak e mirë. Unë personalisht e kuptoj pozicionin tuaj por edhe e mendoj që punët duhet të merren me përgjegjësi të plotë sepse siç e dini nuk është hera e parë sot që iu drejtohem për të njëjtën kërkesë. Prandaj sot unë dhe gjithë bashkëvendësit e mi presim një përgjigje konkrete nga ju, se kur do të fillojë të punohet dhe të finalizohet kjo kërkesë.

Kur do të merr pamje të mirë shkolla që ka shërbyer edhe si spital ushtarak i UÇK-së, dhe po ashtu aty afër gjendet edhe qendra e mjekësisë familjare që e mban emrin e heroit Dr. Lec Gradica.

Pyetja e dyte ka të bëjë me ndriçimin e rrugëve në fshatin Gradicë, si projekt është përmendur që të përfundohet brenda vitit 2022 gjë e cila nuk ka ndodhur. A ka mundësi kushdo që mundet të më jep një përgjigje se kur të merren parasysht dhe me seriozitet kjo kërkesë pasi që edhe kjo është kërkesë e vazhdueshme nga bashkëvendësit e mi.

Muhamet Gjoka-Drejtori i Arsimit, sa i përket rrethojës së shkollës ju njoftoj se gjatë muajit prill do të përfundojë komplet, sa i përket investimeve me një numër jashtëzakonisht i vogël i nxënësve e kemi një investim të mirë dhe është një nder shkollat më të kompletuara.

Kryetari i Komunës Ramiz Lladrovci, sa i përket ndriçimit ka pas shqetësime të shumta të gjithë qytetareve, ASHP-ja nuk ka qenë funksionale afër dy vite, tani është lidhur kontrata me kompaninë dhe janë duke u zhvilluar punimet.

Egzona Tërdevci, është një shqetësim i përcjellë nga Shoqata e të Shurdhërve janë ankuar lidhur me subvencionimin që kanë marrë viteve të fundit sipas tyre nuk kanë marrë aq sa e meritojnë, ata na kanë treguar se janë të zot në disa aktivitete sportive mirëpo nuk po gjeje mbështetje dhe kanë paraqitur ankese rreth çështjes së objektit, deri në vitin 2016 kanë qenë në objekt në qendrën e re tregtare kurse nga viti 2016 ju është marrë edhe ajo mundësi, a mundeni me na tregu që ka me pas ndonjë objekt që mundet me ju dhënë në shfrytëzim atyre dhe si është çështja e subvencioneve për ata.

Kryetari i Komunës Ramiz Lladrovci, komisioni është ai i cili vendos kujt sa subvencionim më iu bërë, unë i kam shumë raportet e mira me shoqatën e të shurdhërve, ata i kanë objektet e veta në qendrën tregtare.

Hamit Haxhiu, e paraqiti një kërkesë nga stafi ndihmës teknik i dt. 03.03.2023 për një mbështetje financiare për punëtorët teknik tekniko-shërbyes të institucionet për Arsim dhe Aftësim profesional, kanë kërkuar të gjënë një marrëveshje që t’ju ndihmohet sa do pak punëtorëve teknik-shërbyes, dhe propozoi që të rishikoni se a kompensohen anëtarët e Komisionit Komunal të aksionarëve në Ndërmarrjen Publike Lokale Pastrimi.

Muhamet Gjoka-Drejtori i Arsimit, punëtorët teknik janë të kontraktuar me kontratë për kryerjen e shërbimeve.

Lumnije Krapi, drejtoreshë e shëndetësisë, aksionaret nuk paguhen prej komunës por por prej kompanisë të pastrimit, nuk ka të bëjë me bordin por me aksionaret.

Meqë nuk pati diskutime tjera kryesuesi e konsideroj të mbyllur seancën, seanca përfundoj rreth orës 11:30 min.

Me gjerësisht, mbledhjen e rregullt të Kuvendit të Komunës së Drenasit të datës 28.03.2023 mund të ndiqni në ueb faqen zyrtare të komunës, rrjetin social të Facebook-ut dhe në kanalin YouTube.

Procesmbajtëse:


Liridona Fejza-Ajazi



Kryesuesi i Kuvendit Komunal


Milaim Hajdari